

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH, zaključuje se

**UGOVOR O NABAVCI
USLUGE IZRADE PROJEKTA
I NADZORA NAD IZVOĐENJEM RADOVA REKONSTRUKCIJE**

između:

JAVNE USTANOVE "APOTEKE SARAJEVO", Sarajevo, ul. Kranjčevićeva 29, ID: 4200280090003, koju zastupa generalni direktor Nedim Hrelja mr. ph. MBA (u daljem tekstu **Naručilac**)

i

DOXAT d.o.o., sa sjedištem u Sarajevu, ulica Fadila paše Šerifovića 6, ID:4200267660003 koje zastupa direktor Riad Drino dipl. ing. arh. (u daljem tekstu **Izvršilac**)

I PREDMET I CIJENA

Član 1.

Predmet ovog ugovora je usluga projektovanja rekonstrukcije i adaptacije uredskih prostorija **Naručioca**, na adresi Kranjčevićeva 29, što podrazumijeva i uključuje:

- Snimak postojećeg stanja
- Izradu idejnog projekta
- Izradu glavnog projekta
- Nadzor tokom izvođenja radova.

Specifikacija usluga data je u ponudi **DOXAT d.o.o.** Sarajevo od 20.12.2019. godine. Navedena ponuda je sastavni dio ovog ugovora.

Izvršilac prihvata da će izvršiti gore navedenu uslugu, u skladu sa **Ponudom** od 20.12.2019. g., po ukupnoj cijeni bez PDV-a 4.750,00 KM.

II ROK I NAČIN ISPORUKE

Član 2.

Izvršilac se obavezuje da će izvršiti uslugu iz člana 1. ovog ugovora na lokaciji sjedišta kupca, u roku do 15 (petnaest) dana od dana zaključenja ugovora.

Izvršilac je obavezan da **Naručiocu** nadoknadi štetu zbog neblagovremene isporuke usluge, izuzev u slučaju više sile, poremećaja na tržištu, razloga koji je skrivio **Naručilac** i drugih okolnosti na koje **Izvršilac** nije mogao da utiče.

III KVALITET USLUGE

Član 3.

Izvršilac garantuje da će Naručiocu isporučiti uslugu odgovarajućeg kvaliteta i propisanih standarda, u protivnom, Izvršilac je obavezan da Naručiocu naknadi pretpjelu štetu.

IV KVALITATIVNI I KVANTITATIVNI PRIJEM

Član 4.

Naručilac će vršiti kontrolu kvaliteta kod preuzimanja usluge. Reklamacija na isporučeni kvalitet usluge se mora pokrenuti najkasnije do 7 dana od momenta izvršenja usluge.

Član 5.

Isporuku usluge prati određeni dokument (otpremnicu), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

Član 6.

Kvalitet isporučene usluge Naručilac utvrđuje prilikom prijema, uz prisustvo predstavnika Izvršioca, na uobičajeni način.

Član 7.

Ako prilikom prijema usluge, Naručilac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na sljedeći način:

- Naručilac je obavezan da eventualni reklamacioni postupak na isporučenu uslugu pokrene najkasnije tri (3) dana od izvršenja iste;
- Izvršilac se obavezuje da uzme u postupak sve eventualne reklamacije prijavljene od strane Naručioca po svakoj pojedinačnoj isporuci.

V NAČIN I ROK PLAĆANJA

Član 8.

Za isporučenu robu iz člana 1. ovog ugovora Izvršilac odobrava Naručiocu odloženo plaćanje na 15 (petnaest) dana od dana isporuke usluge, pod uslovom da nije bilo reklamacije od strane Naručioca.

Uplata se vrši na transakcijski račun Izvršioca naznačen na fakturi.

VI SAOPŠTENJE I REKLAMACIJE**Član 9.**

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 10.

Pravo prigovora, odnosno reklamacije, naročito se odnosi na slučajeve:

- isporuke naručene usluge neodgovarajućeg kvaliteta,
- neblagovremene isporuke usluge,
- isporuke naručene usluge u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VIII TRAJANJE UGOVORA**Član 11.**

Ovaj ugovor se zaključuje na period od 31.12.2019. do 15.01.2020. godine.

Član 12.**IX PRELAZNE I ZAVRŠNE ODREDBE**

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 13.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 14.

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

JU „Apotheke Sarajevo“
Nedim Hrelja mr. ph. MBA
Generalni direktor

DOXAT d.o.o.
Riad Drino dipl. ing. arh.
Direktor

Broj: 01-03-2651/19

Broj:

Sarajevo, 31.12.2019. godine

